

鄆城縣記

鄆城縣記目錄

圖經第一

疆域上第二

疆域中第三

疆域下第四

大事第五

學校上第六

學校中第七

學校下第八

賦役第九

溝防第十

職官上第十一

職官下第十二

封國第十三

科目第十四

藝文上第十五

藝文下第十六

金石第十七

耆舊一第十八

耆舊二第十九

耆舊三第二十

耆舊四第二十一

耆舊五第二十二

耆舊六第二十三

耆舊七第二十四

列女第二十五

述略第二十六

文徵內篇上第二十七

文徵內篇下第二十八

文徵外篇上第二十九

文徵外篇下第三十

耆舊篇一

郾城縣記第十八

戰國時縱橫捭闔之游士結轍於道路陰陽張翕於各國之庭舉世慮無完行矣而縮高獨以節義聞以安陵五十里之地得此士焉十室之邑必有忠信豈不然與迨後漢之初非定陵鄆之子弟則昆陽無由覆莽衆漢業復昌端繫乎是二百年間士君子之篤志復古忘生蹈道者駸駸方駕乎鄆魯其流風固將千百年而未有艾也顧自曹氏有國而後乃寂無聞焉何哉將毋時尙之不繫乎是與抑極數百年之鋒燹紛紜衣冠閭閻之俱盡而無有傳之者與舊志於忠義有周崎按晉書崎傳云邵陵人也爲湘州

從事從事州自辟除不得及於他州晉有二邵陵縣一屬
潁川郡一屬邵陵郡邵陵郡太康平吳而後屬荊州懷帝
分荆置湘改屬湘州崎之見殺當王敦構難之時邵陵已
早屬湘故胡三省通鑑注謂非潁川郡之邵陵吳孫皓寶
鼎元年分零陵北部都尉立邵陵郡最爲得之其人其事
則足尙要非斯土所藉以增重也夫以東京諸君子嶽嶽
不撓之概誠所謂至大至剛充塞於天地昭昭然揭日月
而行其不至於湮墜也理有必然若明之劉枝風義豈或
遜前乎蓋汝潁之間世不乏人久而遺佚則有之逮明以
還可述者遂多第數百年來此邦之人率不工於仕宦無

由攫致乎顯位貴勢震爍乎一時亦惟庸德庸言自著於閭里以爲一鄉之善士顧識者謂欲砥厲乎行誼而維繫乎風俗實在此不在彼也故謹而紀之傳志以人物爲列傳之一目而別出忠義孝行文苑隱逸耆德義行視荆志之統以人物名者固所不逮然荆亦爲目繁瑣咸至以一人而分見兩目宋范成大吳郡志惟曰人物不別分類於義最允顧荆傳二志旣已淆雜復沿其稱或且疑闕而弗備爰易之曰耆舊雖溯之千百年以上要皆鄉黨之所矜式不必近接於耳目始然舊志列釋老一目觀傳豫之論則至豫時始入釋寶慈前乎豫者惟宋明陽一人明陽之

事荒誕誠如豫言然寶慈築隄乃承劉仲傑之命而爲之
豫方以搜抉斷碑自矜創獲而忘其已書於仲傑傳旣譏
舊志務在備目反躬蹈之何耶寶慈於彼教宗風了無所
聞則不宜複出明陽事附崇正觀聊存舊志之說亦戴氏
震取名僧事實歸古蹟之意又雜稽內引蜀檣杌云王建
字光圖其先潁川郾城人後徙居項城常與晉暉爲盜夜
薄舞陽墓中聞人呼墓中鬼曰潁川設無遮會可同行否
墓中應曰蜀王在此不得相從云云按薛歐五代史與資
治通鑑皆言建舞陽人常與晉暉爲盜路振九國志暉傳
不載惟吳任臣十國春秋有之然於建本紀亦不云其先

歐城人吳書頗采之蜀檣柝於此尙不能從張唐英去路
振又遠以宋中葉人談唐末事又別無所見固難徵信豫
果以其說爲當則建傳國二世且將撰爲世家凡建之宗
族皆宜附列置之雜稽傳信傳疑亦奚爲乎如田戎者雖
所畫不終當四海並起誅莽之際驍雄皆思乘時自奮固
不得謂之漢賊然揣其始末實亦王昌李憲等夷飈起豕
突則有之非後世之所景仰也戎西平人具有可徵且不
得與於斯編又奚王建之足云

傳志鄉官世表自漢以逮於清邑人士在一命以上者咸
與是於舊志之外創而爲之固宜貫穿乎歷載而揚推乎

史裁矣及求其指歸之所在則莫得而明謂將補志傳所未及俾無湮佚乎然著於表者十三爲傳所複出未見其專意於拾遺也謂將舉志傳之所列以爲綱領乎則有其人實已入仕於傳書之於表則無未見其著錄以發凡也

沈尙賢爲蘄州佐見忠義陶禮爲湖州稅課司大使李之芳爲嵩縣教諭見耆德

而其言曰數世

不替簪紱蓋存乎標顯門閥以別於齊民然則凡有位者必宜書凡可系者必宜明胡爲簡策有徵且又纂輯所及

而漫不經意耶

書洵長而不及洵可曰不明公乘列級之制遺郾之唐氏亦可曰未嘗旁及金石如

許栩則見於章懷注陳珍則見於翔傳而皆無之是列官之未備楊履吉不附楊琳可曰異代之故芮紳芮琛爲父子書於封廕徐聰徐固爲父子書於聰傳同在明時而各分列李鳳與鵬同爲榮子以鳳從榮鵬又別列既言謝朝

陽爲欽孫又言謝鼎爲欽孫又其表以官爲限凡身之未

嘗有官而世所不能廢者則別出封廕表以弭其闕於是

一人之名官資封廕重複迭書

如掌文紀蒯劉校李賁李溥之類是也

嗚呼

何其舛互紛紜一至於是耶章氏學誠於亳州志爲人物表於和州志爲氏族表說各有當義匪兩岐表人物用漢書古今人表之例也表氏族用唐書世系表之例也鄆城最爲稱盛之世莫逾後漢雖後來疆域異昔要其顯名於當時者皆此邦之所企閱世久遠惟慮或失不患過存故雖一姓一人在所必著蓋倣乎章氏亳州志自明而後爲時誠近迨乎流寇之禍百一厘存嗣是而至於墜佚者亦

復不免第能得緒胃之輝燭且同於譜牒之依據然以傳
爲權輿事屬邑乘之屬責義異私家之自守族雖有譜而
關於立傳者固不暇及又因傳而溯衍旣已聚族以成篇
無事枝指之侈德系盡於傳而不得其譜者亦不重出凡
此二者於章氏之書未必盡合亦就其序例之所言度之
以臆而已古今人表所重分等意不在世故隨其人而爲
之注昭穆之位或乃並列或乃相懸彼統乎三古復自有
所取義固亦無妨施之一族之間病矣世系表昭穆從序
不知者闕斯爲詳審然中絕不續者又復銜書似自附於
史記世表司馬氏以屬領世各自爲宗派不旁及義例至

嚴若綜乎一姓既已傳世必有分枝於此枝以相銜而不
闕於他枝則相並而多淆以爲通例窒矣故凡列表在二
世以上者略用漢書功臣侯表之體先明其世然後及屬
可屬者從屬不可屬者從別使其世次不紊大抵以章氏
科目仕宦之說爲歸傅氏書成在前末由聞章氏之說其
曰鄉官固無異乎仕宦惟言世而必局之以官斯其自蔽
也卽以後漢而論召陵許氏征羌范氏至今千有餘年則
咸正色動容而稱而鄺之許氏唐氏貴至三公通侯且末
由齒及之然傳志二表間亦足備掌故之一得故自擣掇
而外並附而錄之以存其迹云

西平邳氏

潛夫論志氏姓篇周先姑氏封於燕及漢汝南有郅君章
姓音與古姑同而書其字異風俗通或作到云到伯夷長
沙太守到君章孫也又曰長沙太守汝南郅憚是到卽郅
又有郅朗伯惟見於十反之目其文則亡伯夷朗伯皆字
也錄自憚始

一世
二世
三世

惲傳有壽傳有

伯夷 孝廉 益陽 孫長慍

朗伯
平安相

右錄郅氏三世朗伯不得其世別附

定陵丁氏

一世二世三世四世五世

緄有鴻有湛嗣
傳傳傳浮嗣
夏侯嗣

亭鄉侯

東觀記
續漢書
作夢

盛仲
公

右錄丁氏五世

鄧唐氏

隸釋載漢故成陽令唐君頌曰其先出自慶都感赤龍生
堯王有天下大號爲唐與唐書宰相世系表稱唐氏出自
祁姓帝堯初封唐侯其後更封劉累裔孫在魯縣者爲唐
侯以奉堯嗣其地唐州方城是也魯定公五年楚滅唐子
孫以國爲氏之說同表列林王莽封建德侯生蔚國除徙
居潁川以至於珍後漢書靈帝紀潁川唐珍爲司空卽頌
之司空公也頌固云潁川鄧人惠棟後漢書補注引續漢
書曰珍中常侍唐衡弟後漢書宦者列傳唐衡潁川鄧人
則第二云潁川者舉郡而言又按唐君頌卽集古錄所載之